



Fernand ETGEN
President vun der
Deputéiertechamber
19, um Krautmaart
L-1728 Lëtzebuerg

Lëtzebuerg, den 25/02/2021

Här President,

Sou wéi den Artikel 83 vun eisem Chambersreglement et virgesäit, bieden ech lech, dës parlamentaresch Fro un de Minister fir Öffentlechen Déngscht weiderzeleeden.

All Employé(e) a Beamt(in) aus der Fonction publique étatique oder communale huet d'Recht, sech an engem Fall vun Harcèlement un de Service psychosocial ze wenden, fir hei Hëllef ze kréien. D'Zil vun engem Rendezvous beim Service psychosocial vun der Fonction Publique soll et sinn, déi betraffe Persounen iwwert d'Schutzméiglechkeeten an déi domat verbonne Prozeduren opzeklären an hinnen e Soutien psychologique ze bidden.


An deem Zesammenhang wéilt ech dem Minister dës Froe stellen:

1. Bei wéi enge Formen vun Harcèlement kann ee vum Service psychosocial Hëllef kréien?
2. Wéi gëtt no engem éischte Kontakt mam Service psychosocial bei de verschiddene Formen vun Harcèlement ermëttelt, op tatsächlech e Fall vu Belästigung oder Mobbing virleit?
3. Ass d'Regierung der Meenung, dass d'Prozeduren, déi enger betraffener Persoun an engem Fall vun Harcèlement opstinn, sämtlech Formen vun Harcèlement oofdecken an een emfaassenden Schutz fir d'Aarbechter bidden?
4. Wat geschitt, wann d'Virleie vu Mobbing oder Belästigung am Laf vun de Prozeduren net bestätegt ka ginn, déi betraffe Persoun awer weiderhin ugëtt, staark dorënner ze leiden, op hirer Aarbechtsplaz engem Harcèlement ausgesetzt ze sinn?
5. Ginn et och Ënnerstützungsméiglechkeete fir Persounen, déi uginn ënnert engem Harcèlement ze leiden, obwuel d'Virleie vu Mobbing oder Belästigung vu staatlecher Säit aus net bestätegt konnt ginn?
6. Wéi vill Persounen hu sech mam Wonsch no Ënnerstützung an enger Situatioun vun Harcèlement säit 2013 pro Joer beim Service Psychosocial gemellt?
A wéi ville Fäll konnt, eemol d'Prozeduren an d'Lafe bruecht, tatsächlech e Fall vun Harcèlement détectéiert ginn?



7. Wéi reagéiert d'Regierung, wa si direkt vun enger betroffener Persoun iwwert e Fall vun Harcèlement informéiert gëtt?

Mat déiwem Respekt,



CLEMENT Sven
Député

